

OFFERYNNAU STATUDOL CYMRU

**2015 No. 622**

**Rheoliadau Cynllun Pensiwn y Diffoddwyr Tân (Cymru) 2015**

**RHAN 9**

**Cronfa Bensiwn y Diffoddwyr Tân**

**Dehongli'r Rhan**

**130.** Yn y Rhan hon—

ystyr “amcangyfrif” (“*estimate*”) yw'r wybodaeth y cyfeirir ati yn rheoliad 134(1)(a) a (b) (gwybodaeth sydd i'w darparu i Weinidogion Cymru);

ystyr “amcangyfrif diwygiedig” (“*revised estimate*”) yw'r wybodaeth ddiwygiedig y cyfeirir ati yn rheoliad 134(4);

ystyr “blwyddyn ariannol berthnasol” (“*relevant financial year*”) yw blwyddyn ariannol sy'n diweddu ar neu ar ôl 31 Mawrth 2016, y mae'n ofynnol, o dan reoliad 134(1), bod y rheolwr cynllun yn darparu gwybodaeth i Weinidogion Cymru mewn cysylltiad â hi;

mae i “CBDT” (“*FPF*”) yr ystyr a roddir yn rheoliad 131 (sefydlu Cronfa Bensiwn y Diffoddwyr Tân);

ystyr “yr wybodaeth archwiliedig” (“*the audited information*”) yw—

(a) y cyfrifon archwiliedig y cyfeirir atynt yn rheoliad 134(1)(d),

(b) unrhyw adroddiad gan yr archwilydd mewn perthynas â'r cyfrifon hynny, ac

(c) os yw'r rheolwr cynllun yn diwygio'r wybodaeth y cyfeirir ati yn rheoliad 134(1)(e) ac (f), yr wybodaeth ddiwygiedig honno;

ystyr “yr wybodaeth nas archwiliwyd” (“*the un-audited information*”) yw'r wybodaeth y cyfeirir ati yn rheoliad 134(1)(c), (e) ac (f).

**Sefydlu Cronfa Bensiwn y Diffoddwyr Tân**

**131.** Rhaid i Gronfa Bensiwn y Diffoddwyr Tân a sefydlwyd ac a gynhelir gan y rheolwr cynllun at ddibenion Cynllun 1992, ac a ddefnyddir hefyd gan y rheolwr cynllun ar gyfer taliadau a derbyniadau sy'n ofynnol neu yr awdurdodir eu gwneud o dan CPNDT, gael ei defnyddio hefyd at ddibenion taliadau a derbyniadau sy'n ofynnol neu yr awdurdodir eu gwneud o dan y Rheoliadau hyn.

**Taliadau i mewn i Gronfa Bensiwn y Diffoddwyr Tân**

**132.** Rhaid i'r rheolwr cynllun dalu i mewn i'r CBDT—

(a) unrhyw gyfraniad cyflogwr a delir gan y cyflogwr, sy'n ofynnol gan reoliad 126 (cyfraniadau cyflogwr);

- (b) unrhyw gyfraniad ychwanegol cyflogwr a delir gan y cyflogwr mewn cysylltiad â phensiwn afiechyd haen uchaf, sy'n ofynnol gan reoliad 127(1) (cyfraniad ychwanegol cyflogwr: dyfarniad afiechyd);
- (c) unrhyw gyfraniad ychwanegol cyflogwr a delir gan y cyflogwr mewn cysylltiad â phensiwn afiechyd haen isaf, sy'n ofynnol gan reoliad 127(3) (cyfraniad ychwanegol cyflogwr: dyfarniad afiechyd);
- (d) unrhyw gyfraniad ychwanegol cyflogwr a delir gan y cyflogwr mewn cysylltiad ag ymddeoliad a ysgogir gan gyflogwr, sy'n ofynnol gan reoliad 129(1) (cyfraniad ychwanegol cyflogwr: ymddeoliad a ysgogir gan gyflogwr);
- (e) unrhyw gyfraniadau aelodau a delir o dan reoliad 119 (cyfraniadau aelodau), rheoliad 120 (cyfraniadau yn ystod absenoldeb o'r gwaith oherwydd salwch, anaf, anghydfod undebol neu absenoldeb awdurdodedig), rheoliad 121 (cyfraniadau yn ystod absenoldeb o'r gwaith ar absenoldeb gwasanaeth lluoedd wrth gefn), neu reoliad 122 (cyfraniadau yn ystod absenoldeb cysylltiedig â phlentyn);
- (f) unrhyw gyfraniadau aelodau ar gyfer pensiwn ychwanegol a delir o dan Atodlen 1 (taliadau ar gyfer pensiwn ychwanegol);
- (g) unrhyw daliad gwerth trosglwyddiad clwb a dderbynnir; ac
- (h) unrhyw daliad gwerth trosglwyddiad a dderbynnir.

### **Taliadau sydd i'w gwneud allan o Gronfa Bensiwn y Diffoddwyr Tân**

- 133.** Rhaid i'r rheolwr cynllun wneud taliadau allan o'r CBDT mewn cysylltiad â'r canlynol—
- (a) unrhyw ad-daliad o gyfraniadau a thaliadau aelod sy'n ofynnol gan reoliad 125 (ad-dalu holl gyfraniadau aelod a'r holl daliadau ar gyfer pensiwn ychwanegol a wnaed gan aelod);
  - (b) unrhyw ad-daliad o swm cyfraniad ychwanegol cyflogwr ar gyfer dyfarniad afiechyd o dan reoliad 128 (ad-dalu cyfraniad ychwanegol cyflogwr ar gyfer dyfarniad afiechyd, yn dilyn adolygiad);
  - (c) unrhyw bensiwn neu ddyfarniad sy'n daladwy o dan y cynllun hwn;
  - (d) unrhyw daliad gwerth trosglwyddiad clwb sydd i'w dalu mewn cysylltiad â buddion cronedig aelod yn y cynllun hwn; ac
  - (e) unrhyw daliad gwerth trosglwyddiad y mae'n ofynnol ei dalu mewn cysylltiad â buddion cronedig aelod yn y cynllun hwn.

### **Gwybodaeth sydd i'w darparu i Weinidogion Cymru**

**134.**—(1) Rhaid i'r rheolwr cynllun, ar gyfer pob blwyddyn ariannol sy'n diweddu ar neu ar ôl 31 Mawrth 2016 ("blwyddyn ariannol berthnasol") anfon yr wybodaeth ganlynol mewn ysgrifen at Weinidogion Cymru—

- (a) y cyfanswm a amcangyfrifir gan y rheolwr cynllun a fydd yn daladwy allan o'r CBDT yn y flwyddyn ariannol honno;
- (b) y cyfanswm a amcangyfrifir gan y rheolwr cynllun a greddydir i'r CBDT yn y flwyddyn ariannol honno;
- (c) y cyfrifon nas archwiliwyd mewn perthynas â'r CBDT am y flwyddyn ariannol honno;
- (d) y cyfrifon archwiliedig mewn perthynas â'r CBDT am y flwyddyn ariannol honno;
- (e) y cyfanswm a dalwyd allan o'r CBDT yn y flwyddyn ariannol honno; ac
- (f) y cyfanswm a dalwyd i mewn i'r CBDT yn y flwyddyn ariannol honno.

(2) Rhaid anfon yr wybodaeth ym mharagraff (1) yn y ffurf a bennir mewn ysgrifen gan Weinidogion Cymru.

(3) Yn ddarostyngedig i baragraff (7), rhaid i'r rheolwr cynllun anfon yr amcangyfrif ar gyfer pob flwyddyn ariannol berthnasol at Weinidogion Cymru erbyn pa bynnag ddyddiad, cyn dechrau'r flwyddyn ariannol berthnasol, a bennir mewn ysgrifen gan Weinidogion Cymru.

(4) Os bydd y rheolwr cynllun yn diwygio unrhyw ran o'r wybodaeth a anfonir yn yr amcangyfrif, rhaid i'r rheolwr cynllun anfon yr wybodaeth ddiwygiedig ("yr amcangyfrif diwygiedig") at Weinidogion Cymru erbyn pa bynnag ddyddiad yn ystod y flwyddyn ariannol berthnasol, a bennir mewn ysgrifen gan Weinidogion Cymru.

(5) Rhaid i'r rheolwr cynllun anfon yr wybodaeth nas archwiliwyd at Weinidogion Cymru erbyn pa bynnag ddyddiad ar ôl diwedd y flwyddyn ariannol berthnasol a bennir mewn ysgrifen gan Weinidogion Cymru.

(6) Rhaid i'r rheolwr cynllun anfon yr wybodaeth archwiliedig at Weinidogion Cymru erbyn pa bynnag ddyddiad ar ôl diwedd y flwyddyn ariannol a bennir mewn ysgrifen gan Weinidogion Cymru.

(7) Mewn perthynas â'r flwyddyn ariannol berthnasol sy'n diweddu ar 31 Mawrth 2016, rhaid i'r rheolwr cynllun anfon yr amcangyfrif at Weinidogion Cymru cyn gynted ag y bo'n rhesymol ymarferol ar ôl dechrau'r flwyddyn ariannol honno.

### **Amcangyfrifon o ddiffygion**

**135.**—(1) Os yw'n ymddangos i Weinidogion Cymru, ar ôl cymryd i ystyriaeth yr amcangyfrif ac unrhyw wybodaeth berthnasol arall, y bydd y cyfanswm sy'n debygol o fod yn daladwy allan o'r CBDT yn y flwyddyn ariannol berthnasol yn fwy na'r cyfanswm sy'n debygol o fod yn daladwy i mewn i'r CBDT honno yn y flwyddyn honno, rhaid i Weinidogion Cymru dalu swm i'r rheolwr cynllun sy'n hafal i 80% o'r diffyg tebygol.

(2) Os yw'n ymddangos i Weinidogion Cymru, ar ôl cymryd i ystyriaeth unrhyw amcangyfrif diwygiedig ac unrhyw wybodaeth berthnasol arall, y bydd—

- (a) y cyfanswm sy'n debygol o fod yn daladwy allan o'r CBDT yn y flwyddyn ariannol berthnasol yn fwy na'r cyfanswm sy'n debygol o fod yn daladwy i mewn i'r CBDT yn y flwyddyn honno; a
- (b) 80% o'r diffyg tebygol yn fwy nag—
  - (i) y swm a dalwyd neu sy'n daladwy gan Weinidogion Cymru i'r rheolwr cynllun o dan baragraff (1) mewn perthynas â'r flwyddyn ariannol berthnasol, neu
  - (ii) os nad oedd unrhyw swm o'r fath wedi ei dalu neu'n daladwy gan Weinidogion Cymru, sero,

caiff Gweinidogion Cymru dalu i'r rheolwr cynllun ba bynnag swm a ystyrir yn briodol gan Weinidogion Cymru.

(3) Os yw Gweinidogion Cymru wedi talu swm i reolwr cynllun o dan baragraffau (1) a (2), rhaid i gyfanswm y symiau hynny beidio â bod yn fwy nag 80% o ddiffyg tebygol yr CBDT am y flwyddyn honno.

(4) Os telir swm gan Weinidogion Cymru i reolwr cynllun o dan baragraff (2), nid yw unrhyw swm a dalwyd neu a fyddai wedi bod yn daladwy mewn perthynas â'r flwyddyn ariannol berthnasol gan y rheolwr cynllun i Weinidogion Cymru o dan reoliad 136(1) (amcangyfrifon o wargedion), i'w dalu, neu, os talwyd swm o'r fath, rhaid i Weinidogion Cymru ad-dalu'r swm hwnnw.

(5) Rhaid i Weinidogion Cymru wneud y taliad i'r rheolwr cynllun o dan baragraff (1) cyn diwedd Gorffennaf yn y flwyddyn ariannol berthnasol neu cyn gynted ag y bo'n rhesymol ymarferol ar ôl hynny.

(6) Pan fo Gweinidogion Cymru yn gwneud taliad o dan baragraff (2) neu ad-daliad o dan baragraff (4), rhaid gwneud y taliad neu ad-daliad cyn diwedd y flwyddyn ariannol berthnasol neu cyn gynted ag y bo'n rhesymol ymarferol ar ôl hynny.

### Amcangyfrifon o wargedion

**136.**—(1) Os yw'n ymddangos i Weinidogion Cymru, ar ôl cymryd i ystyriaeth yr amcangyfrif ac unrhyw wybodaeth berthnasol arall, y bydd y cyfanswm sy'n debygol o gael ei dalu i mewn i'r CBDT yn y flwyddyn ariannol berthnasol yn fwy na'r cyfanswm sy'n debygol o fod yn daladwy allan o'r CBDT yn y flwyddyn honno, rhaid i Weinidogion Cymru ei gwneud yn ofynnol bod rheolwr cynllun yn talu i Weinidogion Cymru swm sy'n hafal i 80% o'r gwarged tebygol.

(2) Os yw'n ymddangos i Weinidogion Cymru, ar ôl cymryd i ystyriaeth unrhyw amcangyfrif diwygiedig ac unrhyw wybodaeth berthnasol arall, y bydd—

- (a) y cyfanswm sy'n debygol o gael ei dalu i mewn i'r CBDT yn y flwyddyn ariannol berthnasol yn fwy na'r cyfanswm sy'n debygol o fod yn daladwy allan o'r CBDT yn y flwyddyn honno; a
- (b) 80% o'r gwarged tebygol yn fwy nag—
  - (i) y swm a dalwyd neu sy'n daladwy gan y rheolwr cynllun i Weinidogion Cymru o dan baragraff (1) mewn perthynas â'r flwyddyn ariannol berthnasol, neu
  - (ii) os nad oedd unrhyw swm o'r fath wedi ei dalu neu'n daladwy gan y rheolwr cynllun, sero,

caiff Gweinidogion Cymru ei gwneud yn ofynnol bod y rheolwr cynllun yn talu i Weinidogion Cymru ba bynnag swm y caiff Gweinidogion Cymru ei bennu drwy hysbysiad ysgrifenedig.

(3) Os yw'r rheolwr cynllun wedi talu swm i Weinidogion Cymru o dan baragraffau (1) a (2), rhaid i gyfanswm y symiau hynny beidio â bod yn fwy nag 80% o warged tebygol yr CBDT am y flwyddyn honno.

(4) Os yw Gweinidogion Cymru yn ei gwneud yn ofynnol bod y rheolwr cynllun yn talu swm o dan baragraff (2), nid yw unrhyw swm a dalwyd neu a fyddai wedi bod yn daladwy mewn perthynas â'r flwyddyn ariannol berthnasol gan Weinidogion Cymru i'r rheolwr cynllun o dan reoliad 135(1) (amcangyfrifon o ddiffygion), i'w dalu, neu, os talwyd swm o'r fath, rhaid i'r rheolwr cynllun ei ad-dalu.

(5) Rhaid i Weinidogion Cymru roi i'r rheolwr cynllun, ar neu cyn 3 Mawrth yn y flwyddyn ariannol berthnasol, hysbysiad ysgrifenedig o swm unrhyw daliad neu ad-daliad y mae'n ofynnol gan Weinidogion Cymru fod y rheolwr cynllun yn ei wneud o dan baragraff (1), (2) neu (4).

(6) Pan ei gwneir yn ofynnol bod y rheolwr cynllun yn gwneud taliad o dan baragraffau (1) neu (2) neu ad-daliad o dan baragraff (4), rhaid gwneud y taliad neu ad-daliad cyn diwedd y flwyddyn ariannol berthnasol neu cyn gynted ag y bo'n rhesymol ymarferol ar ôl hynny.

### Diffygion gwirioneddol

**137.**—(1) Pan yw'n ymddangos i Weinidogion Cymru, ar ôl cymryd i ystyriaeth yr wybodaeth nas archwiliwyd ac unrhyw wybodaeth berthnasol arall, y bydd y cyfanswm sy'n debygol o fod yn daladwy allan o'r CBDT yn y flwyddyn ariannol berthnasol yn fwy na'r cyfanswm sy'n debygol o gael ei dalu neu o fod yn daladwy i mewn i'r CBDT yn y flwyddyn honno—

- (a) os yw'r diffyg tebygol (“y diffyg nas archwiliwyd”) yn fwy na chyfanswm unrhyw symiau a dalwyd neu sy'n daladwy i'r rheolwr cynllun mewn perthynas â'r flwyddyn honno o dan reoliad 135(1) neu (2) (amcangyfrifon o ddiffygion) (“y cyfanswm rheoliad 135”), rhaid i Weinidogion Cymru dalu i'r rheolwr cynllun swm y diffyg nas archwiliwyd llai'r cyfanswm rheoliad 135;

- (b) os yw'r diffyg nas archwiliwyd yn llai na'r cyfanswm rheoliad 135, nid yw swm y cyfanswm rheoliad 135 llai'r diffyg nas archwiliwyd yn daladwy o dan reoliad 135(1) neu (2), ac os talwyd y swm hwnnw eisoes, rhaid i'r rheolwr cynllun ad-dalu'r swm hwnnw i Weinidogion Cymru;
  - (c) os nad oedd unrhyw swm wedi ei dalu neu'n daladwy gan Weinidogion Cymru i'r rheolwr cynllun mewn perthynas â'r flwyddyn ariannol berthnasol o dan reoliad 135(1) neu (2), rhaid i Weinidogion Cymru dalu i'r rheolwr cynllun swm y diffyg nas archwiliwyd; a
  - (d) nid yw unrhyw swm yn daladwy, a dalwyd neu a oedd yn daladwy i Weinidogion Cymru mewn perthynas â'r flwyddyn honno o dan reoliad 136(1) neu (2), ac os talwyd swm o'r fath eisoes, rhaid i Weinidogion Cymru ad-dalu'r swm hwnnw i'r rheolwr cynllun.
- (2) Pan yw'n ymddangos i Weinidogion Cymru, ar ôl cymryd i ystyriaeth yr wybodaeth archwiliedig ac unrhyw wybodaeth berthnasol arall, fod y cyfanswm a dalwyd neu sy'n daladwy allan o'r CBDT yn y flwyddyn berthnasol yn fwy na'r cyfanswm a dalwyd neu sy'n daladwy i mewn i'r CBDT yn y flwyddyn honno—
- (a) os yw'r gwahaniaeth rhwng y cyfansymiau hynny ("y diffyg archwiliedig") yn fwy na chyfanswm unrhyw symiau a dalwyd (nad ydynt wedi eu had-dalu nac yn ad-daladwy) neu sy'n daladwy i'r rheolwr cynllun mewn perthynas â'r flwyddyn honno o dan baragraff (1)(a) neu (c) neu reoliad 135(1) neu (2) ("y cyfanswm nas archwiliwyd"), rhaid i Weinidogion Cymru dalu i'r rheolwr cynllun swm y diffyg archwiliedig llai'r cyfanswm nas archwiliwyd;
  - (b) os yw'r diffyg archwiliedig yn llai na'r cyfanswm nas archwiliwyd, nid yw swm y cyfanswm nas archwiliwyd llai'r diffyg archwiliedig yn daladwy o dan baragraffau (1)(a) neu (c) na rheoliad 135(1) neu (2), ac os talwyd y swm hwnnw eisoes, rhaid i'r rheolwr cynllun ei ad-dalu i Weinidogion Cymru;
  - (c) os nad oedd unrhyw swm wedi ei dalu neu'n daladwy gan Weinidogion Cymru i'r rheolwr cynllun mewn perthynas â'r flwyddyn ariannol berthnasol o dan baragraffau (1)(a) neu (c) neu reoliad 135(1) neu (2), rhaid i Weinidogion Cymru dalu i'r rheolwr cynllun swm y diffyg archwiliedig; a
  - (d) nid yw unrhyw swm yn daladwy, a dalwyd neu a oedd yn daladwy i Weinidogion Cymru mewn perthynas â'r flwyddyn ariannol berthnasol o dan reoliad 136(1) neu (2) neu reoliad 138(1)(a) neu (c), ac os talwyd swm o'r fath eisoes, rhaid i Weinidogion Cymru ad-dalu'r swm hwnnw i'r rheolwr cynllun.
- (3) Pan yw'n ofynnol bod Gweinidogion Cymru, neu'r rheolwr cynllun, yn ôl fel y digwydd, yn gwneud taliad neu ad-daliad o dan baragraff (1), rhaid ei wneud cyn diwedd Gorffennaf yn y flwyddyn ariannol sy'n dilyn y flwyddyn ariannol berthnasol ("yr ail flwyddyn") neu cyn gynted ag y bo'n rhesymol ymarferol ar ôl hynny.
- (4) Pan yw'n ofynnol bod Gweinidogion Cymru, neu'r rheolwr cynllun, yn ôl fel y digwydd, yn gwneud taliad neu ad-daliad o dan baragraff (2), rhaid ei wneud cyn diwedd Gorffennaf yn y flwyddyn ariannol sy'n dilyn yr ail flwyddyn neu cyn gynted ag y bo'n rhesymol ymarferol ar ôl hynny.

### Gwargedion gwirioneddol

**138.**—(1) Pan yw'n ymddangos i Weinidogion Cymru, ar ôl cymryd i ystyriaeth yr wybodaeth nas archwiliwyd ac unrhyw wybodaeth berthnasol arall, y bydd y cyfanswm a delir i mewn i'r CBDT yn y flwyddyn ariannol berthnasol yn fwy na'r cyfanswm a delir allan o'r CBDT yn y flwyddyn honno—

- (a) os yw'r gwahaniaeth rhwng y cyfansymiau hynny ("y gwarged nas archwiliwyd") yn fwy na chyfanswm unrhyw symiau a dalwyd neu sy'n daladwy i Weinidogion Cymru gan y rheolwr cynllun mewn perthynas â'r flwyddyn honno o dan reoliad 136(1) neu (2) ("y

cyfanswm rheoliad 136”), rhaid i Weinidogion Cymru ei gwneud yn ofynnol bod y rheolwr cynllun yn talu i Weinidogion Cymru swm y gwarged nas archwiliwyd llai'r cyfanswm rheoliad 136;

- (b) os yw'r gwarged nas archwiliwyd yn llai na'r cyfanswm rheoliad 136, nid yw swm y cyfanswm rheoliad 136 llai'r gwarged nas archwiliwyd yn daladwy o dan reoliad 136(1) neu (2), ac os talwyd y swm hwnnw eisoes, rhaid i Weinidogion Cymru ei ad-dalu i'r rheolwr cynllun;
- (c) os nad oedd unrhyw swm wedi ei dalu neu'n daladwy i Weinidogion Cymru gan y rheolwr cynllun mewn perthynas â'r flwyddyn ariannol berthnasol o dan reoliad 136(1) neu (2), rhaid i Weinidogion Cymru ei gwneud yn ofynnol bod y rheolwr cynllun yn talu i Weinidogion Cymru swm y gwarged nas archwiliwyd; a
- (d) nid yw unrhyw swm yn daladwy, a dalwyd neu a oedd yn daladwy gan Weinidogion Cymru i'r rheolwr cynllun mewn perthynas â'r flwyddyn honno o dan reoliad 135(1) neu (2), ac os talwyd swm o'r fath eisoes, rhaid i'r rheolwr cynllun ei ad-dalu i Weinidogion Cymru.

(2) Pan yw'n ymddangos i Weinidogion Cymru, ar ôl cymryd i ystyriaeth yr wybodaeth archwiliedig ac unrhyw wybodaeth berthnasol arall, fod y cyfanswm a dalwyd i mewn i'r CBDT yn y flwyddyn ariannol berthnasol yn fwy na'r cyfanswm taladwy allan o'r CBDT honno yn y flwyddyn honno—

- (a) os yw'r gwahaniaeth rhwng y cyfansymiau hynny (“y gwarged archwiliedig”) yn fwy na chyfanswm unrhyw symiau a dalwyd (nad ydynt wedi eu had-dalu nac yn ad-daladwy) neu sy'n daladwy i Weinidogion Cymru gan y rheolwr cynllun mewn perthynas â'r flwyddyn honno o dan baragraff (1)(a) neu (c) neu reoliad 136(1) neu (2) (“y cyfanswm rheoliad 136 nas archwiliwyd”), rhaid i Weinidogion Cymru ei gwneud yn ofynnol bod y rheolwr cynllun yn talu i Weinidogion Cymru allan o'r CBDT swm y gwarged archwiliedig llai'r cyfanswm rheoliad 136 nas archwiliwyd;
- (b) os yw'r gwarged archwiliedig yn llai na'r cyfanswm rheoliad 136 nas archwiliwyd, nid yw swm y cyfanswm rheoliad 136 nas archwiliwyd llai'r gwarged archwiliedig yn daladwy o dan baragraffau (1)(a) neu (c) neu reoliad 136(1) neu (2), ac os talwyd y swm hwnnw eisoes, rhaid i Weinidogion Cymru ei ad-dalu i'r rheolwr cynllun;
- (c) os nad oedd unrhyw swm wedi ei dalu neu'n daladwy i Weinidogion Cymru gan y rheolwr cynllun mewn perthynas â'r flwyddyn ariannol berthnasol o dan baragraffau (1)(a) neu (c) neu reoliad 136(1) neu (2), rhaid i Weinidogion Cymru ei gwneud yn ofynnol bod y rheolwr cynllun yn talu i Weinidogion Cymru swm y gwarged archwiliedig; a
- (d) nid yw unrhyw swm yn daladwy, a dalwyd neu a oedd yn daladwy gan Weinidogion Cymru i'r rheolwr cynllun mewn perthynas â'r flwyddyn honno o dan reoliad 135(1) neu (2) neu reoliad 137(1)(a) neu (c), ac os talwyd swm o'r fath eisoes, rhaid i'r rheolwr cynllun ei ad-dalu i Weinidogion Cymru.

(3) Rhaid i Weinidogion Cymru roi i'r rheolwr cynllun, ar neu cyn 3 Gorffennaf yn y flwyddyn ariannol sy'n dilyn y flwyddyn ariannol berthnasol (“yr ail flwyddyn”), hysbysiad ysgrifenedig o swm y taliad y mae'n ofynnol gan Weinidogion Cymru fod y rheolwr cynllun yn ei wneud o dan baragraff (1)(a) neu (c).

(4) Pan yw'n ofynnol bod Gweinidogion Cymru, neu'r rheolwr cynllun, yn ôl fel y digwydd, yn gwneud taliad neu ad-daliad o dan baragraff (1), rhaid ei wneud cyn diwedd Gorffennaf yn yr ail flwyddyn neu cyn gynted ag y bo'n rhesymol ymarferol ar ôl hynny.

(5) Rhaid i Weinidogion Cymru roi i'r rheolwr cynllun, ar neu cyn 3 Gorffennaf yn y flwyddyn ariannol sydd yr ail flwyddyn ariannol yn dilyn y flwyddyn ariannol berthnasol (“y drydedd flwyddyn”), hysbysiad ysgrifenedig o swm unrhyw daliad y mae'n ofynnol gan Weinidogion Cymru fod y rheolwr cynllun yn ei wneud o dan baragraff (2)(a) neu (c).

(6) Pan yw'n ofynnol bod Gweinidogion Cymru, neu'r rheolwr cynllun, yn ôl fel y digwydd, yn gwneud taliad neu ad-daliad o dan baragraff (2), rhaid ei wneud cyn diwedd Gorffennaf yn y drydedd flwyddyn neu cyn gynted ag y bo'n rhesymol ymarferol ar ôl hynny.

### **Dyletswydd i ddarparu gwybodaeth**

**139.**—(1) Rhaid i'r rheolwr cynllun ddarparu i Weinidogion Cymru ba bynnag wybodaeth sy'n berthnasol ar gyfer arfer swyddogaethau Gweinidogion Cymru o dan y Rhan hon, fel y caiff Gweinidogion Cymru, drwy hysbysiad ysgrifenedig, ei gwneud yn ofynnol.

(2) Rhaid i'r rheolwr cynllun ddarparu'r wybodaeth sy'n ofynnol o fewn y cyfnod o amser a bennir gan Weinidogion Cymru yn yr hysbysiad hwnnw, neu o fewn pa bynnag gyfnod ychwanegol a ganiateir gan Weinidogion Cymru.